

O'zbekistonda bozor xizmatlarining asosiy ko'rsatkichlari 2026-yil yanvar-iyul


- I. Xizmatlar sohasining asosiy ko'rsatkichlari dinamikasi
- II. Xizmatlar sohasining hududlar kesimidagi o'zgarishi
- III. Xizmatlar sohasining asosiy turlari bo'yicha ko'rsatkichlari
- IV. Xizmatlar sohasining statistik ko'rsatkichlari bo'yicha tushuntirishlar
- V. Foydali havolalar

I. Xizmatlar sohasining asosiy ko'rsatkichlari dinamikasi

Dastlabki ma'lumotlarga ko'ra, 2026-yil yanvar-iyul oylarida ko'rsatilgan bozor xizmatlari hajmi **802 461,8** mlrd so'mni tashkil etdi. 2025-yil yanvar-iyul oylariga nisbatan ko'rsatilgan bozor xizmatlari hajmining real o'sish sur'ati **116,7** %ni tashkil etdi.

***Ma'lumot uchun:** 2025-yil yanvar-iyul oylarida xizmatlar hajmi **651 676,9** mlrd so'mni tashkil etib, bu 2024-yilning mos davriga nisbatan **13,5** %ga ko'p. Mazkur press-relizda keltirilgan ma'lumotlar dastlabki hisoblanadi va qo'shimcha ma'lumotlar kelib tushishiga qarab keyingi nashrlarda aniqlashtirilishi mumkin.*

1-rasm. Ko'rsatilgan bozor xizmatlari hajmi va o'sish sur'ati
2025–2026–yillar yanvar–iyul oylari



II. Xizmatlar sohasining hududlar kesimidagi o'zgarishi

2026-yilning yanvar-iyul oylarida bozor xizmatlarining umumiy hajmida Toshkent shahrining ulushi **41,4** %ni (**332 240,5** mlrd so'm) tashkil etdi. 2025-yilning yanvar-iyul oylariga nisbatan real o'sish sur'ati **117,4** %ga teng bo'ldi. Umumrespublika ko'rsatkichi hududlar bo'yicha taqsimlanmagan hajmlarni ham o'z ichiga oladi. Shu sababli hududlar bo'yicha jami hajmlar O'zbekiston Respublikasi bo'yicha yakuniy ko'rsatkichga to'liq mos kelmasligi mumkin.

Hududlar kesimida eng yuqori hajm Samarqand (**56 487,5** mlrd so'm yoki jami bozor xizmatlari hajmining **7,0** %ni tashkil etgan), Toshkent (**53 785,5** mlrd so'm yoki **6,7** %ni), Farg'ona (**52 295,3** mlrd so'm yoki **6,5** %ni) va Namangan (**41 346,5** mlrd so'm yoki **5,1** %ni) viloyatlarida kuzatildi. Sirdaryo viloyatida ko'rsatilgan bozor xizmatlari hajmi **11 298,8** mlrd so'mni yoxud umumiy xizmatlar hajmining **1,4** %ni tashkil etdi.

Xizmatlar sohasining hududlar kesimidagi asosiy ko'rsatkichlari
2026-yil yanvar-iyul

	Hajmi, mlrd so'mda	Ulushi, %da	O'sish sur'ati, %da
O'zbekiston Respublikasi ¹	802 461,8	100,0	116,7
<i>hududlar:</i>			
Qoraqalpog'iston Respublikasi	24 685,3	3,1	116,7
Andijon viloyati	40 647,8	5,1	117,2
Buxoro viloyati	30 460,5	3,8	116,5
Jizzax viloyati	17 477,5	2,2	117,5
Qashqadaryo viloyati	37 635,2	4,7	116,8
Navoiy viloyati	18 908,6	2,4	118,5
Namangan viloyati	41 346,5	5,1	116,5
Samarqand viloyati	56 487,5	7,0	116,8
Surxondaryo viloyati	24 999,6	3,1	117,4
Sirdaryo viloyati	11 298,8	1,4	118,7
Toshkent viloyati	53 785,5	6,7	116,6
Farg'ona viloyati	52 295,3	6,5	116,6
Xorazm viloyati	27 456,3	3,4	117,2
Toshkent shahri	332 240,5	41,4	117,4

Mavzuga doir ko'rsatkichlar:

[Ko'rsatilgan bozor xizmatlarining hududlar kesimidagi hajmi](#)

2026-yilning yanvar-iyul oylarida Toshkent shahridan tashqari, ko'rsatilgan bozor xizmatlarining eng yuqori real o'sish sur'ati Sirdaryo (**118,7** %), Navoiy (**118,5** %), Jizzax (**117,5** %), Surxondaryo (**117,4** %), Andijon (**117,2** %), Xorazm (**117,2** %), Samarqand (**116,8** %) hamda Qashqadaryo (**116,8** %) viloyatlarida va Qoraqalpog'iston Respublikasida (**116,7** %) kuzatildi.

O'zbekiston bo'yicha 2026-yilning yanvar-iyul oylarida aholi jon boshiga ko'rsatilgan bozor xizmatlari hajmi **20 909,4** ming so'mni, 2025-yilning yanvar-iyul oylarida esa **17 285,2** ming so'mni tashkil etdi. Real o'sish sur'ati **114,6**%ga teng bo'ldi.


Hududlar kesimida aholi jon boshiga eng yuqori ko'rsatkich Toshkent shahrida qayd etildi – **103 981,1** ming so'm. Bu ko'rsatkich 2025-yilning yanvar-iyul oylariga nisbatan **18 737,7** ming so'mga oshgan. Shuningdek, Navoiy (**16 955,4** ming so'm), Toshkent (**16 939,8** ming so'm) va Buxoro (**14 421,9** ming so'm) viloyatlari ham nisbatan yuqori o'rinlarda. Eng past ko'rsatkich esa Surxondaryo viloyatida (**8 267,1** ming so'm) qayd etildi.

¹ Hududlar bo'yicha taqsimlanmagan hajmlarni hisobga olgan holda.

**Hududlar kesimida aholi jon boshiga ko'rsatilgan bozor xizmatlarining
hajmi va o'sish sur'ati ko'rsatkichlari**
2026-yil yanvar-iyul


	Hajmi, ming so'mda	O'sish sur'ati, %da
O'zbekiston Respublikasi	20 909,4	114,6
<i>hududlar:</i>		
Qoraqalpog'iston Respublikasi	11 998,9	115,4
Andijon viloyati	11 503,2	115,2
Buxoro viloyati	14 421,9	114,9
Jizzax viloyati	11 110,9	115,3
Qashqadaryo viloyati	10 086,3	114,5
Navoiy viloyati	16 955,4	116,7
Namangan viloyati	12 911,9	114,4
Samarqand viloyati	12 847,7	114,6
Surxondaryo viloyati	8 267,1	114,9
Sirdaryo viloyati	11 899,7	116,9
Toshkent viloyati	16 939,8	114,6
Farg'ona viloyati	12 337,9	114,6
Xorazm viloyati	13 236,4	115,2
Toshkent shahri	103 981,1	115,0

2-rasm. Hududlar kesimida aholi jon boshiga to'g'ri keladigan bozor xizmatlari hajmi
2026-yil yanvar-iyul, ming so'mda



Hududlar kesimida aholi jon boshiga to'g'ri keladigan xizmatlar hajmining eng yuqori real o'sish sur'ati Sirdaryo viloyatida (**116,9 %**) qayd etildi. Shu bilan birga, ko'rsatkichning yuqori dinamikasi Navoiy (**116,7 %**), Qoraqalpog'iston Respublikasi (**115,4 %**), Jizzax (**115,3 %**), Xorazm (**115,2 %**), Andijon (**115,2 %**), Toshkent shahri (**115,0 %**), Buxoro (**114,9 %**) va Surxandaryo (**114,9 %**) viloyatlarida ham kuzatildi.

3-rasm. Hududlar kesimida aholi jon boshiga to'g'ri keladigan bozor xizmatlari hajmining o'sish sur'atlari, 2026-yil yanvar-iyul, %da



Mavzuga doir ko'rsatkichlar:

[Aholi jon boshiga to'g'ri keladigan bozor xizmatlari hajmi](#)

[Aholi jon boshiga to'g'ri keladigan bozor xizmatlari hajmining o'sish sur'ati](#)

2026-yilning tahlil qilinayotgan davrida kichik tadbirkorlik subyektlari tomonidan ko'rsatilgan bozor xizmatlari hajmi **451 972,6** mlrd so'mni yoki bozor xizmatlari umumiy hajmining **56,3 %**ni tashkil etdi. 2025-yilning yanvar-iyul oylariga nisbatan real o'sish sur'ati **117,9 %**ga teng bo'ldi. Kichik tadbirkorlik subyektlari bo'yicha baholash statistik hisobot ma'lumotlari, kuzatuv natijalari hamda Milliy statistika qo'mitasi tomonidan qo'llaniladigan baholash tartib-taomillari asosida shakllantiriladi.

Xizmatlar hajmida kichik biznesning eng yuqori ulushlari Farg'ona viloyatida (**76,2 %**), shuningdek, Andijon (**74,9 %**), Surxondaryo (**74,3 %**), Namangan (**74,3 %**), Qashqadaryo (**74,0 %**) viloyatlarida, Qoraqalpog'iston Respublikasida (**72,3 %**), Jizzax (**71,6 %**), Toshkent (**71,5 %**), Buxoro (**71,0 %**) va Xorazm (**70,3 %**) viloyatlarida kuzatildi. Bu ushbu hududlarda xizmat ko'rsatish sohasini rivojlantirishda kichik tadbirkorlik subyektlari muhim ahamiyatga ega ekanidan dalolat beradi.

Toshkent shahrida kichik tadbirkorlik ulushi nisbatan past (**41,9 %**) bo'lishiga qaramay, kichik tadbirkorlik subyektlari tomonidan ko'rsatilgan bozor xizmatlari hajmi mamlakatda eng yirik bo'ldi va **139 236,5** mlrd so'mni tashkil etdi.

Sirdaryo viloyatida kichik tadbirkorlik subyektlari ko'rsatgan xizmatlar hajmi boshqa hududlarga qaraganda pastroq. Bu ko'rsatkich 2026-yilning yanvar-iyul oylarida **7 620,9** mlrd so'mga teng bo'ldi.

Hududlar kesimida xizmatlar sohasi bo'yicha kichik tadbirkorlik ko'rsatkichlari
2026-yil yanvar-iyul

	Hajmi, mlrd so'mda	Jami hajmdagi ulushi, %da	O'sish sur'ati, %da
O'zbekiston Respublikasi	451 972,6	56,3	117,9
<i>hududlar:</i>			
Qoraqalpog'iston Respublikasi	17 851,9	72,3	115,5
Andijon viloyati	30 457,1	74,9	116,1
Buxoro viloyati	21 615,5	71,0	121,9
Jizzax viloyati	12 514,3	71,6	114,2
Qashqadaryo viloyati	27 865,7	74,0	116,3
Navoiy viloyati	10 949,2	57,9	116,7
Namangan viloyati	30 739,1	74,3	115,3
Samarqand viloyati	36 928,4	65,4	115,7
Surxondaryo viloyati	18 563,1	74,3	116,5
Sirdaryo viloyati	7 620,9	67,4	117,6
Toshkent viloyati	38 480,1	71,5	113,8
Farg'ona viloyati	39 844,3	76,2	116,4
Xorazm viloyati	19 306,5	70,3	112,3
Toshkent shahri	139 236,5	41,9	121,1

III. Xizmatlar sohasining asosiy turlari bo'yicha ko'rsatkichlari

2026-yilning yanvar-iyul oylarida ko'rsatilgan bozor xizmatlari hajmi o'sishining asosiy omili savdo, moliya hamda transport xizmatlari hajmining ortishi bo'ldi.

O'zbekiston Respublikasi Prezidentining 2025-yil 27-fevraldagi PQ-78-son "Xizmatlar sohasi barqaror rivojlanishi uchun qulay shart-sharoitlar yaratishga oid qo'shimcha chora-tadbirlar to'g'risida"gi qaroriga muvofiq, xizmatlar sohasini rivojlantirish bo'yicha belgilangan maqsadli parametrlar doirasida xizmatlarning asosiy turlari monitoringi amalga oshiriladi.

2026-yilning yanvar-mart oylari ma'lumotlaridan boshlab, savdo xizmatlari hajmini hisoblash metodologiyasiga qayta sotish uchun mo'ljallangan tovarlar zaxiralari o'zgarishini hisobga oladigan o'zgartirishlar kiritildi. Bu o'zgartirishlar xalqaro statistik standartlarga muvofiqlikni ta'minlash maqsadida xalqaro ekspertlarning tavsiyalari inobatga olingan holda joriy etildi.

2026-yilning yanvar-iyul oylari ko'rsatkichlarining qiyoslanuvchanligini ta'minlash uchun real o'sish sur'ati 2025-yilning tegishli davri uchun qayta ko'rib chiqilgan ma'lumotlar asosida hisoblandi.

Bozor xizmatlari umumiy o'sishiga eng katta hissani savdo xizmatlari (o'sish **15,2 %**, umumiy o'sishdagi hisssasi **3,9 f.b.**), moliyaviy xizmatlar (**24,5 %**, **3,6 f.b.**), yashash va ovqatlanish xizmatlari (**15,0 %**, **2,8 f.b.**), transport xizmatlari (**14,3 %**, **2,3 f.b.**), aloqa va axborotlashtirish xizmatlari (**20,0 %**, **1,5 f.b.**), ta'lim sohasidagi xizmatlar (**18,4 %**, **0,6 f.b.**), boshqa xizmatlar (**11,7 %**, **0,6 f.b.**), shuningdek, ko'chmas mulk bilan bog'liq xizmatlar (**15,4 %**, **0,4 f.b.**), sog'liqni saqlash sohasidagi xizmatlar (**15,3 %**, **0,3 f.b.**) hamda me'morchilik, muhandislik izlanishlari, texnik sinovlar va tahlil sohasidagi xizmatlar (**23,6 %**, **0,3 f.b.**) qo'shdi.

Shuningdek, shaxsiy xizmatlar (**14,4 %**), kompyuterlar va maishiy buyumlarni ta'mirlash xizmatlari (**11,3 %**) hamda ijara xizmatlari (**10,7 %**) bo'yicha qo'shimcha ijobiy hissa qayd etilib, ular birgalikda umumiy o'sishni **0,4 %** bandga oshirdi.


Mazkur press-relizda keltirilgan 2025–yilning yanvar–iyul oylariga oid qayta ko'rib chiqilgan taqqoslama ko'rsatkichlar savdo xizmatlari hajmini hisoblashning yangilangan metodologiyasini o'zida aks ettiradi. Shu sababli ushbu ko'rsatkichlardan 2026–yilning yanvar–iyul oylariga nisbatan yillik taqqoslashda foydalanish lozim.

2026-yilning yanvar–iyul oylarida iqtisodiy faoliyat turlari bo'yicha ko'rsatilgan bozor xizmatlari tarkibida savdo xizmatlarining ulushi **25,2 %**ni, yashash va ovqatlanish xizmatlarining ulushi **18,7 %**ni, moliyaviy xizmatlarning ulushi **15,7 %**ni, transport xizmatlarining ulushi **15,1 %**ni, aloqa va axborotlashtirish xizmatlarining ulushi **7,7 %**ni hamda ta'lim sohasidagi xizmatlarning ulushi **3,4 %**ni tashkil etdi.

Xizmatlar sohasining asosiy turlari bo'yicha ko'rsatkichlari
2025–2026–yillar yanvar–iyul

	Hajmi, mlrd so'mda		O'sish sur'ati, %da
	2025-yil	2026-yil	
Xizmatlar – jami	651 676,9	802 461,8	116,7
<i>shundan:</i>			
aloqa va axborotlashtirish xizmatlari	49 022,0	61 647,0	120,0
moliyaviy xizmatlar	95 209,5	125 805,6	124,5
transport xizmatlari	103 522,2	121 451,6	114,3
<i>shu jumladan: avtotransport xizmatlari</i>	50 951,7	63 691,9	115,1
yashash va ovqatlanish xizmatlari	120 241,0	149 719,2	115,0
savdo xizmatlari	166 941,4	202 007,3	115,2
ko'chmas mulk bilan bog'liq xizmatlar	16 475,3	19 402,4	115,4
ta'lim sohasidagi xizmatlar	22 331,1	27 241,3	118,4
sog'liqni saqlash sohasidagi xizmatlar	11 295,7	13 865,1	115,3
ijara xizmatlari	7 598,1	8 977,3	110,7
kompyuterlar va maishiy tovarlarni ta'mirlash bo'yicha xizmatlar	7 871,9	9 214,2	111,3
shaxsiy xizmatlar	11 316,8	14 095,6	114,4
me'morchilik, muhandislik izlanishlari, texnik sinovlar va tahlil sohasidagi xizmatlar	7 912,1	10 713,5	123,6
boshqa xizmatlar	31 939,8	38 321,7	111,7

4-rasm. Asosiy turlar bo'yicha ko'rsatilgan bozor xizmatlari hajmi
2026-yil yanvar-iyul, mlrd so'mda



Mavzuga doir ko'rsatkichlar:

[Ko'rsatilgan bozor xizmatlarining asosiy turlari bo'yicha hajmi](#)


Qayta ko'rib chiqilgan taqqoslash bazasidan foydalangan holda, 2026-yilning yanvar-iyul oylarida savdo xizmatlari hajmi 2025-yilning mos davriga nisbatan **35 065,9** mlrd so'mga o'sib, **202 007,3** mlrd so'mni tashkil etdi.

Savdo xizmatlarining umumiy hajmida eng katta ulush – **41,4** % chakana savdo xizmatlariga to'g'ri keldi. Ulgurji savdo xizmatlarining salmog'i **38,4** % ga yetdi. Avtomobil va motosikllarning ulgurji va chakana savdosi, jumladan ularni ta'mirlash bo'yicha xizmatlar savdo xizmatlari umumiy hajmining **20,2** % ini tashkil qildi.

2025-yilning yanvar-iyul oylariga nisbatan yashash va ovqatlanish xizmatlari hajmi **29 478,2** mlrd so'mga oshib, **149 719,2** mlrd so'mni tashkil etdi. Yashash va ovqatlanish sohasidagi xizmatlarning asosiy qismi – **96,6** % oziq-ovqat mahsulotlari va ichimliklar bilan ta'minlash xizmatiga tegishli bo'ldi.

2026-yilning yanvar-iyul oylarida transport xizmatlari hajmi **121 451,6** mlrd so'mga yetdi. Transport xizmatlari tarkibida avtomobil transporti xizmatlari ustunlik qildi – **52,4** %, ya'ni **63 691,9** mlrd so'm. Transport xizmatlari hajmining o'sishi yuk va yo'lovchi tashish sohasidagi faollikning ortganini aks ettiradi.

5-rasm. Transport xizmatlari hajmining turlari bo'yicha tarkibi, %da
2026-yil yanvar-iyul




2025-yilning yanvar-iyul oylariga nisbatan 2026-yilning mos davrida moliyaviy xizmatlar hajmi **30 596,1** mlrd so'mga ortib, **125 805,6** mlrd so'mni tashkil etdi. O'sish sur'ati **124,5** %ga teng bo'ldi.

2026-yilning yanvar-iyul oylarida yordamchi moliyaviy faoliyat, sug'urta va pensiya ta'minoti xizmatlaridan tashqari moliyaviy xizmatlarning ulushi **86,0** % ni tashkil qildi. Sug'urta xizmatlarining solishtirma og'irligi **6,9** % ni, yordamchi moliyaviy faoliyat xizmatlariniki esa **7,1** % ni tashkil etdi.

2026-yilning ko'rib chiqilayotgan davrida aloqa va axborotlashtirish xizmatlari hajmi **61 647,0** mlrd so'mga yetdi. Eng katta ulush kompyuter dasturlash xizmatlari hissasiga to'g'ri keldi – **48,5** %. Shuningdek, ko'rib chiqilayotgan davrda aloqa va axborotlashtirish xizmatlarining umumiy hajmidan telekommunikatsiya xizmatlari ulushi **26,7** % ni, axborot sohasidagi xizmatlar **16,6** % ni, noshirlik xizmatlari **6,0** % ni, boshqa xizmatlar esa **2,2** % ekani qayd etildi.

6-rasm. Aloqa va axborotlashtirish xizmatlarining turlari bo'yicha hajmi
2025-2026-yillar yanvar-iyul, mlrd so'mda



Aloqa va axborotlashtirish xizmatlari tarkibida kompyuter dasturlash xizmatlarining yuqori ulushi ushbu yo'nalishning raqamli xizmatlarni rivojlantirishda muhim o'rin tutishidan dalolat beradi.

2026-yilning yanvar-iyul oylarida ta'lim sohasidagi xizmatlar hajmi **27 241,3** mlrd so'mni tashkil etib, ularning tarkibida oliy ta'lim xizmatlari ulushi **41,2** % bilan ustunlik qildi.

Ko'chmas mulk bilan bog'liq xizmatlarning umumiy hajmida (**19 402,4** mlrd so'm) o'ziga tegishli yoki ijaraga olingan ko'chmas mulkni ijaraga berish va boshqarish bo'yicha xizmatlarning ulushi **90,8** %ni tashkil etdi.

2026-yilning yanvar-iyul oylarida sog'liqni saqlash sohasidagi xizmatlar hajmi **13 865,1** mlrd so'mni tashkil etdi. Bunda sog'liqni saqlash sohasidagi boshqa xizmatlar ulushi **54,8** % ni, shifoxona muassasalari xizmatlari **31,2** % ni, shifokorlik amaliyoti va stomatologiya xizmatlari esa **14,0**%ni tashkil etdi.

IV. Xizmatlar sohasining statistik ko'rsatkichlariga izohlar

Press-relizda bozor xizmatlari hajmi joriy narxlarda keltirilgan. O'sish sur'atlari tegishli narx va tarif indekslaridan foydalangan holda taqqoslanadigan narxlarda hisoblanadi. Shu munosabat bilan qiymat ifodasidagi o'zgarishlar va ko'rsatilgan xizmatlarning real hajmidagi o'zgarishlar alohida talqin qilinishi lozim. Ming so'mda ifodalangan jon boshiga to'g'ri keladigan ko'rsatkichlar ham joriy narxlarda keltirilgan bo'lib, ularning o'sish sur'atlari taqqoslanadigan narxlarning tegishli metodologiyasiga muvofiq talqin qilinishi lozim.

Ma'lumotlar norasmiy va kuzatilmaydigan iqtisodiyotni baholash uchun foydalaniladigan statistik kuzatuvlar natijalari inobatga olingan holda taqdim etilgan.

Ma'lumotlar dastlabki hisoblanib, keyingi nashrlarda ularga aniqliklar kiritilishi mumkin.

Xizmatlarning oylik hajmi quyidagi manbalar asosida shakllantiriladi:

a) tijorat tashkilotlari (kichik korxonalar, mikrofirmalar va qishloq xo'jaligi ishlab chiqaruvchilaridan tashqari), yuridik shaxslarning alohida bo'linmalari – tijorat tashkilotlari, shuningdek, notijorat tashkilotlar (ro'yxat bo'yicha) bo'yicha statistik hisobotlar;

b) kichik tadbirkorlik subyektlari tomonidan ko'rsatilgan xizmatlar hajmini oylik telefon so'rovlari, choraklik kuzatuvlar ma'lumotlari hamda kichik korxonalar va mikrofirmalar uchun yagona yillik hisobot natijalari asosida baholash;

d) fermer xo'jaliklari va notijorat tashkilotlar tomonidan ko'rsatilgan xizmatlar hajmini tegishli statistik hisobot shakllari bo'yicha baholash;

e) yakka tartibdagi tadbirkorlar va o'zini o'zi band qilgan shaxslar tomonidan ko'rsatilgan xizmatlar hajmini har chorakda o'tkaziladigan tanlanma kuzatuv natijalari asosida baholash.

Ko'rsatilgan bozor xizmatlari hajmi – muayyan davrda iste'molchilarga (shu jumladan norezidentlarga) xizmat ko'rsatuvchi barcha ishlab chiqaruvchilar, ya'ni ham xizmat ko'rsatishga ixtisoslashganlar, ham xizmat ko'rsatish asosiy faoliyat turi hisoblanmaydiganlar tomonidan ko'rsatilgan xizmatlar qiymatidir.

Ko'rsatilgan bozor xizmatlari hajmida xizmatlar uchun hisoblangan to'lovlar QQS va aksizlarsiz, amaldagi bozor narxlarida hisobga olinadi.

Agar xizmatlar oldi-sotdi obyekti bo'lib, iqtisodiy jihatdan ahamiyatli narxlarda (ishlab chiqaruvchi xarajatlarini to'liq yoki sezilarli darajada qoplaydigan) sotilsa, mahsulot bozorbop hisoblanadi. To'lov naqd pul, bank kartalari va pul o'tkazmalari, jumladan, elektron to'lovlar va elektron pullar orqali amalga oshirilishi mumkin.

Ulgurji va chakana savdo korxonalari uchun mahsulot hajmi qayta sotish uchun mo'ljallangan tovarlarni sotishdan tushgan tushum va ularni sotib olish xarajatlari o'rtasidagi farq hamda qayta sotish uchun mo'ljallangan tovarlar zaxirasidagi o'zgarishlar yig'indisi sifatida aniqlanadi (Eurostat, Handbook on prices and volume measures in national accounts, 2016).

Norezidentlarga ko'rsatilgan xizmatlar (agar to'lov so'mda amalga oshirilmasa) O'zbekiston Respublikasi Markaziy banki tomonidan tranzaksiya sanasida belgilangan so'm kursi bo'yicha shartnoma narxlarida qayta hisoblanadi.

Xizmatlarni faoliyat turlari bo'yicha tasniflash O'zbekiston Respublikasining Iqtisodiy faoliyat turlari bo'yicha mahsulotlar (tovarlar, ishlar, xizmatlar) statistik tasniflagichiga muvofiq amalga oshiriladi.



Ko'rsatilgan bozor xizmatlari hajmi O'zbekiston Respublikasi Mahsulotlar statistik tasniflagichi (MST)ning G–S seksiyalari qismida tasniflangan barcha iqtisodiy faoliyat turlari bo'yicha shakllantiriladi.

V. Foydali havolalar

Ko'rsatilgan bozor xizmatlarining statistik hisobi bo'yicha uslubiy nizom

O'zbekiston Respublikasi iqtisodiy faoliyat turlari bo'yicha mahsulotlar (tovarlar, ishlar, xizmatlar)ning statistik tasniflagichi (MST)

O'zbekiston Respublikasi Iqtisodiy faoliyat turlari bo'yicha mahsulotlar (tovarlar, ishlar, xizmatlar) statistik tasniflagichining G, H, I, J, K, L, M, N, O, P, Q, R va S seksiyalari kodlari batafsil (kengaytirilgan) ro'yxati

Handbook on prices and volume measures in national accounts

Tayyorlash uchun mas'ul:
*Xizmatlar sohasi statistikasi
boshqarmasi*

Manzil: 100170, Toshkent,
Mustaqillik shoh ko'chasi, 63.
Elektron pochta: info@stat.uz
Tel.: 71-203-80-00 (1280, 1281)

